

Եթէ մենք, թշնամիներով շրջապատուած, որեւէ նշան ցոյց տանք, թէ յարուս ենք և կամ աչք ենք ուղղում այդ կարծեցեալ օգնիչներին, այն ժամանակ մեզ ուրիշ բան չի սպասիլ: Բայց եթէ նեղութիւն, խոշտանգանք, յափըտակութիւն և սուր: Իսկ եթէ մեր գրածն անստոյգ համարես և հաճոյական բան ասողներին ախանջ դնես, տեղեկացիր ուրիշ վստահելի անձերից, թէ անցեալներում ի՞նչ կրեցին իրենց բռնակալից արցախեցիք, երբ այն հաճոյախօսների վրայ յոյս դրին, և ի՞նչպէս մեռաւ Գանձասարի խղճալի Յովհաննէս կաթողիկոսը, և ի՞նչպէս քանդուեց Գանձասարի աթոռը, և ո՞ւր են այժմ մեղիքները և ի՞նչ աղէտներ քաշեցին նրանք:

Այդ դառնութիւնների ժամանակ ո՛րքան տեղերից մեզ գովասանք գրեցին, թէ շատ լաւ էր, որ մենք համակրութեան նշան ցոյց չտրւէինք նրանց և մեր սուրբ գահը փորձանքներից ազատ պահեցինք:

Այս բոլորն ստուգութեամբ իմանալուց յետոյ՝ գատի՛ր սուտն իրաւից և մեղադիր մի՛ լինիր մեզ»:

Դժբախտաբար, արդարացան Ղուկաս կաթողիկոսի կասկածները: Արշաւանքը դէպի Անդրկովկաս կամ աւելի ճիշդ՝ դէպի Հայաստան տեղի չունեցաւ: Այդ օրերին մեռաւ նաեւ Պօտեմկիւնը, Հայաստանի ազատութեան գըլխաւոր հրահրողը:

Եւ հայոց յոյսերը ա՛յս անգամ էլ ի դերեւ ելան:

10.

Պօտեմկիւնի մահով հայկական դատը սկըսեց նորից ձգձգուել, սակայն մէջտեղից չլեքացաւ. դեռ ապրում էր ծրագրի միւս պաշտպանը՝ Եկատերինա կայսրուհին:

Պօտեմկիւնին յաջորդեցին ուրիշ մարդիկ, որոնք նրա ծրագրիներից աւելի համարձակ և անիրագործելի ծրագրիներով էին ոգեւորուած: Հասկանալի է, որ այդ ծրագրիների շարքում իր տեղն ունէր նաեւ Հայաստանը:

Այժմ Պլատոն Զուբովն էր Ռուսաստանում ամենաազդեցիկ մարդը, Եկատերինայի միւս մտերիմը: Օղախին ծրագրիներ կազմելու կողմից նա ամենեւին յետ չէր մնում իր նախորդից, և ուրեմն ազատագրուած Հայաստանի

գահը նրա՛ն էլ շատ շահագրգռում էր:

Այդ միջոցին Աղա Մահմուդ խան ներքին-նին, Պարսկաստանի ներքին խոռոչութիւնները զսպելով, իրեն թագաւոր էր հրատարակել: 1795 թուին այդ անարկու մարդը արշաւեց դէպի Ղարաբաղ՝ Իրրահիմ խանին պատժելու համար, որ մերժել էր նրա իշխանութիւնը ճանաչել:

Դեռ Երասխ գետը չանցած՝ մարդիկ ուղարկեց հայոց մեղիքներին, որ դան հպատակին իրեն, խոտտանալով որ կը վերահաստատի նրանց իրենց վաղեմի իշխանութեան մէջ և նրանց թշնամուն՝ Իրրահիմ խանին կ'ոչնչացնէր: Բայց մեղիքները, որոնք դեռ յոյս ունէին ուսանների օգնութեամբ իրենց հայրենիքը մահմեդական լծից ազատելու, լաւ համարեցին հաւատարիմ մնալ Ռուսաստանին: Ուստի առժամապէս միարանեցին իրենց ռխերիմ թշնամի Իրրահիմ խանի հետ և քաջութեամբ պաշտպանուեցին Շուշու բերդում:

Որոմանիկ Շահը, ժամանակ չկորցնելու համար, անցաւ Վրաստան Հերակլ թագաւորին պատժելու, որ իր երկիրը ուսաց հովանաւորութեան տակ էր դրել թողնելով, որ յետոյ իր վրէժն առնէ Շուշու բերդականներից: Հերակլը թեթեւ ընդդիմութիւնից յետոյ՝ փախաւ և Թիֆլիս մայրաքաղաքը մատնեց պարսից կատաղութեանը: Սրանք երեք օր երեք գիշեր ամէն տեսակ վայրագութիւններ գործեցին և 16,000 տղայ և աղջիկ, սրանցից 12,000-ը հայ և 4000-ը վրացի, գերի տարան Պարսկաստան (Պալասանեան՝ «Հայ. Պատմ.», եր. 682):

Ահա առիթ նոր պատերազմի:

Ու Եկատերինան նոր արշաւանքի ձեռնարկեց ընդդէմ պարսիկների, որի մերձաւոր նըպատակն էր հրովարտակի ասելով. «Վերահաստատել Հերակլ թագաւորին իր երկրում, ուսաններից կախուած դիրք տալ Ղարաբաղի հայ մեղիքներին և նրանց հպատակ բնակիչներին և յօգուտ մեր գրաւել Արարատեան Հայրապետին, որ այնքան զօրեղ ազդեցութիւն ունի ամբողջ յիւրուցան հայութեան վրայ: Այս բոլորը շատ գիւրութիւններ կը տար մեզ քրիստոնեանների գլխաւորութիւնը հաստատելու և մեր գերագոյն իշխանութիւնն ապահովելու համար»: